




Poex: 1246




2530


1869 11. 387











Frid. Zamell

DEORUM HEROUMQVE
Lusus.

Elbingæ anno M. DC. XLVI.
Typis BODENHAUSINIS.

THE
LIBRARY OF THE
MUSEUM OF NATURAL HISTORY
NEW YORK

THE
LIBRARY OF THE
MUSEUM OF NATURAL HISTORY
NEW YORK

SERENISSIMÆ POLONIÆ SVE-
CICÆq; REGINÆ, LVDOVICÆ MARIAE GONZAGÆ,

Principi Mantuæ & Montis ferrati, Duci Niverſii,

Domine ſue Clementiſſimæ.

Viciſti hiemes terrâ mariq; , Sereniſſima
Regina , atq; eas quidem aſperrimas.
Pertuliſti verò ejus amore , cujus agri-
tudine in Boruſſiæ limite auditâ omiſſis
aliis recta itinera ad Regios penates definiveras.
Etiſi autem noſtri Te oculi primò requirerent , ac
deinde in unam Te veluti in proximo conſtitutam
dirigeretur omnium acies ; tamen & Tecum do-
lebant fideles ſubditorum animi , qvotquot in ca-
ro Tibi capite publicam ſalutem depoſitam nove-
rant. Mutabas hoc conſilium , qvòd & latiores
ſubinde afferrentur nuncii , & diſcuſſa eſſet non pa-
rùm illa ex mœrore nubecula. Proinde Elbingæ
multis Tibi nominibus commendatæ Urbis in pri-
mis viſendæ animum induxiſti. Sanè deſidera-
tiſſima acceſſura eras : at cùm prioris Tui conſilii
rationes neminem latuiſſent , imparata apud nos
offendebas omnia , qvæ tanto ſplendori excipien-
do eſſent , niſi in celeritate præſidium fuiſſet eo-
rum , qui ſua qviſq; peragerent. Adeo autem ,
poſtquam ſucceſſiſſes , Tibi ſagaciſſimæ Heroïnæ
placuit cùm omnium promtitudo , tum præcipuè
in rebus gerendis obeuntium dexteritas : ut & ci-

ves Magistratûs providentiâ, & hunc civium benivolentiâ fretum, virtutis ergò beatos diceres. Aliis ad aliâ abeuntibus, solus ego ad otia, mihi à publicæ privateq; rei negotiis solita, dimissus eram: at qvalia? Nullo non ingenuo digna, Regibus etiam asserta ac culta cum cultoribus. Et ab eis igitur exegerat, quo Tu vicissim coli posses, tot seculorum more persvasa pietas. Atq; fortassis de re mei muneris proximè aut æquè ac aliorum consortes absolveram: sed pressi fiduciam, quam caussa adjuverat: ne qvod à legentiû fronte expectandum erat, irritatis ambitiosâ præsumptione animis iudicium everterem. Etenim licèt illud mihi obversaretur: non tam suâ sibi industriâ niti Poëtarum ingenia, qvàm coeli clementiâ temporumq; felicitate invitari in ea, quæ Heroibus probent; tamen fore prospiciebam, ut Tu prudentissima Virago id temporis angustia facilè dares, qvod alii ista curantis tribuerent inertia. At longè benigniore fato evenit, ut cùm partim Reverendissimus atq; Illustrissimus Arausionis Episcopus, partim loquentia fora Tibi Lusûs meos ingenii exhibuissent, Tu iis delectata gratia Tuæ radiis perstringeres eum, qui luserat. Petendi qvoq; à Te, quæ legitimis in votis essent, per Eundem humanissimum juxtà ac disertissimû Antistitem apertissimo voluntatis Tuæ indicio potestatem fecisti. Ac cùm inopinato gaudio non per-

perfusus, sed obrutus, rem expediissem: id operam
dedisse, ut cum meritis sacris operata perlitassent
cognatae manûs ad aram mitissimæ Mentis, Ep-
odos ego hosce accinerem ejusdem Patriæ causâ:
faveres huic, magnum ipsi Numen meoq; generi;
summâ ille comitate perstitit. Hærentem enim in-
certumq; animi admonuit etiam Te jubente, hac
ad Regiæ Clementiæ thronum datâ viâ ultro ad Te
scriberem; suiq; tum eorum, quæ per ipsum obtu-
lisses, nec fallentem memoriam renovarem, istâ
munificentia Tuæ in me exercendæ indubiâ usu-
rus tesserâ. Scribo itaq; & quæ paucis ab abitu Tuo
diebus subinde condidi, sacratissimo Tuo nomi-
ni inscribo. Quod ad votum, colliculos, fruticeta,
rivulos passim crepant mea Poëmata. Amant hæc
loca Camœnæ: amat quoq; Camœnarum soboles.
Qvippe quam inter frondosum nemus nunc cano-
ra oscinum gutturilla ad cantûs dîs hominibusq;
acceptos excitant, nunc tremulæ crispantesq; fon-
tium undæ, solis Poëtis salubrius haustæ, in eadem
animant. O dia! nihil extra possidentium jura in
his partibus est, quod vel Te annuente occupem.
Adeò nec Vniversitatis hujus Orbis concisus quic-
quâ habet, quod eximas: de quo non lis, aut metus
sit etiâ à vindice posthumo. Suas sibi res cûprimis
vendicat Patria: ingratus sim, ac tantum non fune-
stus, si hinc decerpam non ultimus domi eam asse-
rentium

rentium. Genuit me illa: nihil ejus intra viscera est,
quod prolem delibare Natura permittat: et hoc, quo
toties ipsi dixi, sacramentum venerabundus suspi-
cio. Si tamen. Vos, qui deum sanguis, cum rebus
humanis nostrisque utilitatibus prodesse vultis; te-
meritatem nostram redarguitis, desideria corrigi-
tis, tempori denique; ac recte consulitis. Consules &
Tu Serenissima: quam titulus ut talem praeſtaret,
praeſter natalium fulgentissima decora Naturae con-
ſenſum attuliſti. Mare fluctusque; hibernos vultu viſa
es compescere: animum facile compones inter vo-
ta ſua fluctuantem, ſemel immiſſa luce Tua. Inter-
ſtea id mihi gratulor, quod quae poſſim juſte ſpera-
re, ea apud Te jam ſepoſita habeo. Poſtremo ut
non minus Te advertat haec deorum heroumque;
Scena, quam prior illa ſcriptio, cui oculos dare po-
tuiſti, antequam occupaviſſem, utque; Vati ſemper ſis
propitia, jam Tibi obnoxio, Tua jam auſpicia ſe-
quenti; & animo devotiſſimo, & hac illius interpre-
te humilima manu etiam obſecro. Sic Tu quae Re-
ginae Celiſſimae nomen inter congratulantes tot mortali-
um voces coelo quoque; arbitro Tibi nunc induis, olim in im-
mortalium coetu Regni firmioris Coronam niteas, conferen-
te eodem Numine, mihi ſemper Dea. Dabam Elbingae
poſtr. Non. Aprileis anno ult. temp. M. DC. XLVI.

Majeſt. Tuae Subjeſtiſſ.

Frid. Zamelius.

Ad Cicnum.

Cicne fores Dominae sacrum diadema gerentis.
Lechica quæ sceptris jura tuetur, adi.
Illius ægra Tuo mulcebas pectora cantu:

Quæq; juvant Superi, prodidit ipsa viam.
Ne faciles aditus Tibi turba ministra pararet.
Sub vultus jussit protenus ire suos.

Agnosceret Regina potens faciemq; nivemq;
Quæ capiti est, generis quæ solet esse Tui.
Ad Dominae nostros vestigia pone libellos.

Dic: Tuus ista Tibi condita portat olor.

Pompa Sereniss. Reginae Aloisiae &c. Mantuae Principis.

Vela per albentes Aloisia marmoris undas
Fecerat: & toto visa caterva mari est.

Ibant aqvorei proceres Tritona sequuti:
Proximus in bijugis Ennosigæus eqvis.

Tum Phorcus, prolesq; dei monstrosa feroxq;
Cum meliore manu candida Doris erat.

Secum Callirhoën Philiramq; Thetinq; trahabat,
Tycheq; Eurynomen est comitata soror.

Successere viri, quos dIs pia carmina miscent.
Delphines gratum sustinere chorum.

Primi Dirceum genus Amphionq; Linusq;
Auratâ dicti personuisse chely.

Litoraq; & rapidi tenuere silentia venti.
Tunc stetit Ismaria fama secunda fidi.

A puppi magnum vidit Regina Maronem.
Se dominam fundi dixerat ille sequi.

Naso procûl Geticis reditum sperabat ab oris:
Pro Nasone triplex scriptor amoris erat.

Battiaden vidi, cui si manus ista subibat:
Carminis, ut perhibent, hunc habuere ducem,
O ego si possem longè vestigia, dixi,
Vestra sequi, tumidis hei malè fisis aquis.
Tu quoq; Diva potens nos aversata fuisses:
Iam mergebar: opem sed tulit una manus.
Ille meos cœpit Tibi commendare libellos.
Quid dicam? Pietas Præsule digna fuit.
Ille mihi dixit: Per nomen habebis Orangum,
Quæ fas est tamtam sollicitare deam,
Respexi, & vidi jactatas æquore laurus,
Sparsaq; cum miseris texta natare fabris.
Insolitâ stupuit peregrinus navita pompâ.
Nempe vehi nunquam viderat antè parem.

De Carminibus suis.

A Vdiat hæc livor: Iove nostra leguntur ab ipso:
Sumserat à Veneris candida Iuno manu.
Alite Lechéo cœli superavimus arces.
Iam puto res liquida est, hic mihi vector erat.
Et quæ non potuit de nobis fingere? dixit.
Dixit, & arrisit maximus ille deum,
Esse nefas habuit, mensæ non parte locari;
Quâ capiunt Vates altera turba cibum.

Ad fontes Elbinganos.

Vos Drusi latices, vos utraq; ripa Nogedi,
Et quas profundit fons Pagianus aquas,
Vos musco amniculi, vos cincti gramine rivi,
Quâ vestrum patrio conditis uber Habo:
Vos testor Nimfasq; loci frondosaq; tempe,
Et salicum inscriptos carmina nostra libros.

Currite,

Currite, & in rauco pars condite flumine vocem:

At meus in Vestro murmure versus erit.

Crescite Vos salices, surgent in robora fagi:

Carmina sub cœlum nostra cacumen aget.

Vivit adhuc Vates, cui sunt illa edita quondam.

Plura idem incidet Regis amore sui.

Ad Reginam Ludovicam.

Hortis nata meis, asserta regentibus Orbem,
Nuper & Ausonia Laurus amata diis:

Sparge sacram placido Phœbi sub sidere frundem.

Ecce Tibi vernant, qui rediēre dies.

Extremā satis est famam meruisse sub Arcto:

Quærenda oppositi est mollior aura poli.

Euganeos ultra lustrabimus æquora colles:

Et visam Tusco proxima regna mari.

Transgressi Tiberim mediā sistemur in Vrbe.

Romano juncta est utraq; ripa foro.

Quæ post antra patent celsaq; Neapolis arces,

Quos colimus, Vatum noveris esse domum.

Sed Tu cognatas optabis cernere laurū.

Transitus à Calabro litore rectus eris.

Ionios nullo franges discrimine fluctus,

Oraq; se ostendet Graja Pelopsq; vetus.

Nos ad Mopsopias via proxima mittet Athenas.

Ad levam cultæ Phocidos arva jacent.

Hac iter ad magni præceps sacraria Phœbi,

Silvasq; & fontes ð mea Musa Tuos.

Buthroti tumulos gentisq; arbusta Molossæ

Percurram, & Pindi Chaoniumq; nemus.

Æmabii reduces speculabimur ardua Martis.

Rurāq; Sarmaticā pervia facta manu.

*Q*uid referam, Regina potens, cui Mantua servit,
Sub Te quæ cunas una Maronis habes:
Ejus in Ausoniis sola culta videbimus oris,
Et quæ Vergilium rura dedere Tuum?
Dicam ego: Te propter (Rex audiat ipse maritus)
Nec gravis iste fuit, nec labor ullus erit.
Omnia per populos per longos condita Soles
Composita in laudes sunt Ludovica Tuas.

De Eadem.

*V*enerat ad Regem morbi langvore jacentem,
Missa per argentes Nupta futura nives.
Quærebat gratatus amor venientis ocellis,
Quem vultum aut mentem foverit in nivibus.
De Te uno ô mi anime, inquit, ad omnem exterrita famam
Sollicitum gessi pectus & in nivibus.

De Scipio.

*I*ncrâram silvas, quas Tu mihi Phœbe dedisti,
Quasq; ego non aliter glorior esse meas.
Plurimus ut vernis occulta Sole diebus,
Et gelidis horrens decidit imber aquis.
Exosus nemora & multa imperfecta relinquens
Respexi tutos ac sine nube Lares.
Materiem dederas Aloisia: non satis uno
Carminè dicenda es pluribus aucta bonis.
Dum redeo & propero, torrens convallè sub altâ
Creverat abruptis per sua saxa viis.
Nimfarum excepi strepero de gurgite voces.
Inq; tot auditis clarior una fuit:
Per sævas hiemes, per inhospita rura, per undas
Ad Iagellonios it Ludovica deos.

At Tu, quem Vatem nutu sibi destinat illa,

Integer ambiguo sub Iove testis eris?

Qualia dicentur de tempestate loquentis,

Qui nec vicino permaduisset agro?

Perculit his animum, tactusq; pudore recess:

Inq; meas valuit nulla procella fugas.

Tu quoq; Sol nitido recreabas lumine terras:

Et quod conabar, Musa peregit opus.

De Regina Sereniss.

V*idistis pueri? & primum venistis ab urbe,*

Istula quam tumidis sceptriger ambit aquis?

Et tetigit Regina solum, Dominaq; penates?

Et Rex & circum purpura dives erat?

Cumq; daret, quæ suadet amor, Rex oscula Nimfa,

Qui præter censum seu dea sive deus?

Nonne puer medius, quem Cypridos esse ferebant,

Et Regum in se aciem verterat, & populi?

Vah animi segnes! Nimfa inter Adonidas ibat:

Et Venus Ambrosiis mulserat ora rosis.

De Marte & Venere.

G*radivus Veneri laudaverat ora puella,*

Quæ jam Lechéi regnat in arce poli.

An Tu istam Venerem, dixit Cytheræa, sequeris?

Cui Mars: Gradivo nupsit & ista suo.

Hoc quod in Odrisiis ego dicor collibus esse,

De Rege & proprio Sarmata jactat agro.

De Iunone.

E*lbingæ miserere Tue, Saturnia Iund:*

Optatos subeat sic Ludovica Lares.

Sic sternas Tu Diva thoros, ac pronuba tollas

Lumine sincero, concutiasq; faces.

Hæc ego. Cum nôsset quàm sæpe ingrata subisset

Probra Poëtarum, dicta superba dea:

Meq; precesq; meas, hoc ipso more removit.

Sunt Tibi Sarmatici, sic ait illa, dii.

Totum huc congestum est quod verba precantia possunt:

Teq; suis audit Franca puella focis.

Sed tamen hi quodcumq; volent, id Jupiter æquus

Annuet: & magni nil temerabo Jovis.

De Venere & Amore.

M*itte Cupido Tuos Lechéis Regibus igneis.*

Id primum, in castris hos habuisse Tuis.

Hæc Venus. Idalia puer improbus ista reponit:

Ad Martis, genetrix, hæreo verba Tui.

Dixerat ille, suos his gentibus esse Gradivos:

Quid si & Mulciberem Sarmatis ora ferat?

Scis ut sæpe Tuus mihi dira minetur ab antro,

Condere quo fertur tela trifulca Iovis.

At mater: depone metum, me me faber unam

Vnicus hic, Tacuit cætera, & ingemuit.

Ad Reginam Ser.

E*lbingam Regina fove. Tibi prima corollas*

Mœnia nostra dabant: hasq; ferebat Amor.

Nudus & à faretrâ cœlo manifestus aperto

Ostendit nudam civibus esse fidem.

Tu Regi & Regno, gentiq; es cara Borussia.

Hæc Tibi debuerat præmia noster amor.

De

De Amore.

Naturam in paucis, si quid deprendimus olim,
Explet: at ingenium non imitatur amor.
Fingit inane chaos, saepe & contraria miscet,
Deq; rudimento surgit in astra levi.
Felices si qui casu sapuistis amantes,
Et quibus in frugem prima ruina fuit.
Risit Amor: neq; enim nostros non noverat ignes:
Et cui non puero conscius hæsit Amor?
Mitte meos, dixi. Tua per discrimina mores:
De me quæ tandem palma relata Tibi est?

De Aquilâ.

Sarmaticis longè cælo demissus ab oris
Ales hic errabat, qui Iovis arma gerit.
Sarmaticis per rura Iovis (nam miserat illo)
Quærare Silenos Mercuriumq; iubet.
Silenus tardo per pascua vectus asello,
Tardus & ipse suâ mole relegit iter.
Ille alas virgamq; movens tectusq; galero
Omnia in Hesperia despicit arva solo.
Inde redux Ligerin trepidumq; videbat Atarnum,
Ac vos Sequanicis proxima rura vadis.
Lustrabat nemora & saltus, lustrabat & hortos:
Fulvag; conspexit Lilia, in his Aquilam.

De Reginâ Serenis.

Nescio quis fuerat dolor, at sensisse dolorem
Fama est Sarmatiae Te Ludovica decus.
Consedit fecunda Ceres divesq; Lyæus,
Et rebus dubiis cæperat iste prior:

Si quo se fato rutilantibus inferat astris.

Inveni quo stet Regia Nupta loco.

Ite Ariadnæ cum desertore coronæ:

Allibuit stellæ nobilioris honos.

Alma Ceres voluit pingi pro virginis astro:

Tædiferæ ratio visa erat aqua deæ.

Iupiter ingressus fatorum arcana resolvit:

Non ita Sarmaticos Diva relinquet agros,

Cum cœlo accedet, ponetur in alite nostro.

Lechéas adiit hoc subeunte plagas.

De Iunone & Venere.

C*ypria quod puerum non togere posset Amorem,*
Imbellem Iuno dixerat esse deam.

Cui Cytheræa Venus: puer est meus & genus idem.

Spiculaq; imperio dirigit ille meo.

Phryx puer invisusq; Tibi Tua pocula miscet.

Et Regina deum es: nec Catamitus abest?

De Venere.

I*nter lactucas tenerum flevistis Amorem:*

Heic illi tumultum fecerat alma Venus.

Et potuit Paphios Amathuntia perdere flores.

Conderet ut gelido nobile funus agro?

Non stetit, ô Nimsæ: veteres repetivit amores.

Vua Venus rerum nescit inire modum.

De Eadem.

V*idit ut extinctum sua gaudia Cypris Adonin,*

Panas & agrestes iussit adesse deas.

Vos mecum in quosvis, inquit, descendite questus.

Major cuim lacrimis est dolor iste meis.

Nemo

Nemo feri metuat subeatq; Cupidinis arcum.

Conculcate meos barbara corda focos.

Nimfarum medio jacuit laniata capillos,

Et mæstos cecinit fistula lenta modos.

Sic diffisa sibi natum respexit Amorem.

Et voto admotas vidit obesse faces.

De Phœbo.

Alcides epulis Iovis est admissus & autor
Carminis: hic solitus plectra movere patri.

Barbita dejecit, nectarq; removit Apollo.

Vultu, qui taciti signa doloris habet.

Scitantur nunc ille deum, nunc ille, quid esset:

Mæroris causam Iupiter ipse rogat.

Et mittam in plausus, mittam hunc in júbila, dixit,

Huic psallam, luctus qui mihi causa fuit?

Rex Superum instabat, nisi res odiosa subiret:

Herculis à furiis occubuisse Linum.

De Iove.

Sarmatiae terras speculatus ab arce deorum.

Iupiter, ad Gothicos lumina torsit agros.

Vidit & ætherios nocuis sextilibus ignes,

Deq; suâ Martem bella ciere domo.

Vt meliore faces distinxerat ordine, dixit:

Vicino concors sit Cynosura polo.

Iupiter & Cupido, in adventu

Sponsæ Regiæ.

Desere jam rapidis flagrantem Solibus æthram:

Ecce hoc quod Gallo fulget ab Orbe jubar.

Fugit hiems properè: quantus sub Virgine raucâ

Æstus erit! regnis cede Cupido meis.

Dixerat

Dixerat hæc hominum rex Iupiter atq; deorum,
Se prius excusso reddidit ales Amor.
Nullus ab igne meo cœli geminabitur ignis:
Solvetur thalamus me fugiente Tuus.

De Venere.

Cypri quid innocuis jacularis mentibus ignes,
Quid Tibi fecerunt optima corda mali,
Ut facibus sint ægra Tuis? mihi Cypria dixit;
Prodest ingenuis scilicet iste furor.
Crede mihi, primâ quotquot caluere iuventâ,
Rectius egerunt cum tepuere senes.

De Marte & Cerere.

Cum thalamo Cereris poscebat fœdera Mavors,
Hæc Cereri & matri vota ferebat Opi.
Reddidit illa: mihi pacis sunt commoda curæ:
Tu cum fruge meos perdis & uris agros.
Quid si desierit? sic Ops: Marsq; ipse teneri
Lege novâ voluit. Risit ad ista Ceres.
Nil præstas, inquit, quoniam natura repugnat.
Martis ero, cum Mars desinet esse ferox.

De Annibale.

Annibali ad superas reditum concesserat oras
Rex Erebi: Libyco redditur ille solo.
Ut Byrsam & patrios vidit non stare penates,
Romanum spretis Alpibus intrat agrum.
Miratus cineres Urbis solasq; ruinas,
Manibus hæc referam, sat speculatus, ait,
Elysium repetens prendit Te Scipio primum:
Hei quot sunt nostrâ vana peracta manu,

Nusquam

Nusquam Roma Tua est, inquit, Tyriæq; jacent res.
Securâ poteram Tuq; quiete frui.
Nam quid erat, Siculus quoddam Punica vela Pelorus,
Et Saguntinus castra teneret ager?
Cur subito dedimus tot fortia corpora letho,
Et metuit vinci proxima turba neci?
Aut cur Getulis fatum defugimus arvis.
Et mihi Bithyno contigit urna solo?
Cur non Trinacriis sunt regna dirempta duorum.
Fluctibus, & medio clausit uterq; salo?
Vivite concordēs, nec sollicitate Tonantis
Arbitria, exosæ nostra vel ista deæ.
Sidonii periēre duces, Trojanaq; proles.
Invidies oculis & malus angor abest.

De Venere & Cupidine.

DE Venere & nato, quoddam summa quoddam infera flammis
Exurant, Superos hoc statuiffe ferunt:
Cederet ut cœlo Venus, ac puer iret ad umbras.
Et mundo nullus (sic Venus) ignis erit?
Solem opponebant. Non hæc instantia vincit:
Sic iterum Cypris: nec minus ista probat.
Sæpe suo (& nostis) defectus Cynthius igni
Palluit, & nostram sensit amator opem.
An putrem in Nymfâ dicam Peneide, an illâ,
De quâ sunt Vestris thurea dona focis?
Non est pro solido Phœbi lucentior Orbis:
Plus mea, si lateat, flamma vigoris habet.
Deniq; deserto veniet quæ gloria Phœbo,
Carmina si fuerint dotis egena meæ?
Ad sua di revocant totam subsellia litem:
Dis aliter visum sed putat esse Venus.

De Vulcano & Poëtâ.

Eſſe deum credunt, ac ſit pro Numine fabris
Et rudis & claudus Mulciber, ipſe faber.
Nuper ad Ætnæas Vates acceſſerat oras.
Nefcio quis: Vatem dixerat eſſe deo.
Quid facerent operis, Ciclopum turba rogabat:
Æternum Vates condimus, inquit, opus.
Oſtenditq; libros: recitatis de Iove paucis.
Ad Paphios ſaltus furtaq; Martis abit.
Corripuit textum Vulcanus & ignibus uſſit.
Ecce inquit charta jam periëre Tuâ.

De Cicnis.

Cicne quid, ætherio commendes noſtra Tonanti?
Tu gravis & lenta es, Tu fluvialis avis.
Sic ego: ſed contra grex reddidit omnis olorum:
Creditis & Vates tam procùl eſſe Iovem?
Omnia qui vaſti replevit Iupiter Orbis,
Et noſtros patulâ colligit aure ſonos.
Nimbus erat, ſubitòq; deum ſenſere volucres:
Ripamq; & totas clangor obibat aquas.
Nec Phœbus deerat: reſolutis nubibus ille
Et ſtagnum & juxta luce retexit agros.

De Merlino Caledonio.

Di ſine Rege deum Merlino pandere cælum
Aggreſſi patrem non latuëre Iovem.
Riſit & hoc viſum eſt veſtris ait addere punctis:
Si fatuum incerti ſeminis aſtra ferant.
Herculeis ingens patuit virtutibus æther.
Deletum eſt magnis dotibus omne probrum.

De

De Vulcano.

Iterum illud eloquar, atq; idem mecum asseres
Nec elegantioris aliquis formula,
Nec putidorum prorsus è consortio:
Indignus est Superis Venereq; conjuge
Et loripes & invenustus Mulciber.
Rediens ab Aetnâ illo^{us} huic assederat,
Et nescio quæ insanus oscula presserat:
Hæsit simul fuligo fornacaria,
Lutumq; putei & quicquid est in fecibus,
Tunicasq; & extima pepla sordidaverat.
Patienter ista ferre visa Cypris est.
Sic mecum ego simul videram. Mibi Cynthius:
A capite bardo & condito in cucurbitis
Adeone composita omnia, & decentia
Quæsitioris diva moris exigat?

Ad Galliam.

Salve digna parens cultorum Gallia morum:
Ingeniis salve terra beata Tuis.
Cætera quid nostris deberent regna Poëtis,
De Musis vidit Gallia prima meis.
Nescio quis, sed erat deus, & mihi dixit in aurem
In Senonum tumultis regnat Apollo Tuus.

Ad Satiros.

Cultores nemorum Satiri, quibus antra sub altis
Rupibus, & fontes clausaq; vena patet:
Non sunt per densos dominorum nescia saltus
Vlla loca? aut nulla est pars sine Rege suo?

*Nulla est in totâ quæ glebula germinet orâ,
 Quam dea si dederit, dixerit: ista Tua est?
 Et regnat pars magna virum per roscida tempe,
 Vos quibus invisum vulgus Hamadriades?
 Si quis erit, veniet magnæ mihi munere divæ
 Angulus: illius spes mea firma manu est.
 Ignorem, nec Panes ament mihi pandere, certum est:
 Quâ prodesse velint, Numina nosse vian.*

De Phœbo.

HÆtenuis assidens cælum cum Sole tuebar:
*Mosq; novum Veris misit in arva jubar.
 Tum tenebris horrere æther, nimbosq; minari,
 Et gravis in siccos irruere imber agros.
 Quid facerem, unius commotus crimine Phœbi?
 Reddidit ex alto sed deus ista mihi:
 Tunc potes Clariæ gurgēs non ultimus undæ
 Spernere quas idem dat Tibi præses aquas?*

De Iove & Momo.

Dixerat hæc Momus: celebrat convivium cum dis
Iupiter, & nullum Rex habet ipse coqvum.
*Quare Tibi lixas, iratus Iupiter inquit,
 Quare Tibi, qui non vesceris ambrosiâ.
 Non tacuit Momus semper suprema loqvutus:
 Quid si ita dixisses Tu pater ille deum?
 Carpe alios extra scortilla virumq; sororis,
 Tu procûl à divum nectare, divum odio.*

De Iove & Mercurio.

REx Superum Atlantis redeuntem à Dite nepotem
(Solutus enim è Superis hic loca Ditis adit)

Multa

Multa super Priamo super Heclore multa rogabat :

Tum quas spiraret natus Achille minas ?

Quid pater Aecides ? procul armis degitur , inquit :

Odere in viris : cum moriuntur , amant.

De Harpocrate.

N*umquid in Harpocratem quod dicere posset , haberes*
Momus , ab aethereo questio mota Iove est.

Momus ad hac : tuto vocem si pectore condit

Harpocrates , quare labra premit digito ?

De Iove.

J*upiter Aethiopus cum conjuge saepe revisit ,*

Et fruitur dapibus proluiturq; mero.

Viderat Aetophylax , geminasq; vocarat in Aetos :

Noluit ad gelidum Iupiter ire polum.

Conquesta est stellis Cynosura rigentis Olympi.

Invenitq; alium terra Borea Iovem.

Ad Reginam Sereniss.

S*olvisti nostras felix Aloisia curas ,*

Vidimus in manibus cerea signa Tuis.

Quid scribit Tuus ille Tibi mandatq; Cupido ?

Novimus : est saluus , Te properare jubet.

Arguit hoc vultus , neglectaq; prandia. Plus est :

Impresti caris oscula literulis.

Ad Eamdem.

Q*ua legis Adriacum subeuntia flumina litus ,*

Eridanig; vadum , populeumq; nemus ,

Diva potens : nostris nimium ne crede Poetis.

Non illa Clymenes est puer haustus aqua.

Non

Non illâ in ripâ misera flevêre sorores!

Adspicit hunc propior Drusidos ora locum.

Heic Rhodani fontes, heic sunt Phaëthontides almi.

Fulminaq; & casus heic Phaëthontis erant.

Nôris & hoc: Pontus, qui nobile gignit electrum.

Quiq; dat hoc Italîs, sub ditione Tuâ est.

De Jove & Marcello.

O Brutus innumeris divûm pater undiq; votis
Prolixas hominum jussit abesse preces.

Oebaliæ gens una placet: brevitate litabant.

Et deus his aderat, qui tenuêre modum.

Nescio quis Marcellus erat, qui more Laconum

Visus erat paucis multa obiisse notis.

Venit & ille Iovi. Paucis Tibi Iupiter edam;

Inquit, & ut faciam plurima caussa subest.

Iamq; dabat caussas, & erat plus mille daturus.

Protenus offendit garrula lingua deum.

Quod Marcelle sapias, stultorum effunde coronis.

Ad caussas Superi nil retulêre Tuas.

De Iunone & Chloë.

Docta Chloë tunicis aliquid committere justis,
Et nullâ vestem non variare die,

Cyclade nunc aliâ, quàm quâ par cultior esset

Fœmina, nunc palmâ floridiore regi.

Re malè consumptâ divorum fugit ad aras:

Et Iunonis opem sive rogabat opes.

Divâ fave, dixit, pars sum quotacumq; Tuarum:

Deq; meo in populis corpore nomen habes.

At Iuno: cùm quæ dederint ea prodita nolint,

Ne Tibi munificos perdita finge deas.

Ad

Ad Reginam Sereniss.

O quæ præpetibus potuisti asfvescere magni.
Regis, & assiduâ fulta Tonantis ave es:
Si Tecum accubuit Superûm sator idem hominum rex,
Sedisti & Phæbi non procul oscinibus.
Docta tenus tolerare aciem Iovis arma gerentum.
Integrius placidos, Diva, tuere cicnos.
Orta quidem cælo, luci quoq; nata ferendæ.
Ad Tua mansueto Lilia more redi.
Vidi ego pascentes extra sua flumina olores
Protectos isto flore habuisse cibum.
Seminis & fontis modici dispendia fient
In cantatricem, quæ Tibi lusit, avem.

De Venere.

Plestor in urbe meâ est: qui quos sibi sumserat artus
Pallas & effingi jusserat ora, dabat.
Iuno quoq; advenit: Iunonem noster Apelles
Pinxit, & exhibitum Iuno probavit opus.
Et Venus accessit: pingi se posse negabat.
Quis dubitet? Visa est pulchrior esse sibi.
Vatem adit, & fingi sibi formam à Vate rogabat.
Vtere, sic Cypris dixerat, arte Tuâ.
Cui Vates: cedit Tibi Iuno & candida Pallas;
Par Tibi diva nihil. Tum Cithereâ: bene est.

De Æneâ & Didone.

INvitus Regina Tuo de litore cessi.
Hospitis hæc, Dido, verba fuere Tui.
Nempe per Orcinas patrem cum quæreret umbras.
Credimus? Hanc Phrygibus fecerit ille fidem.

*Si fuit in fatis, non venit Atlantide natus:
Et nemo Stygios jussit adire lacus.*

De Mercurio.

Nescio quod missus steterat Cyllenius ales
Me super, & Driades viderat ille duas.
Demisit volucres alas virgamq; potentem:
Verba dabat Nymphis plurima, pauca mihi.
Scilicet hoc egit, Nymphas ut falleret, & me,
Vado: cum solis, dixi ego, solus agas.
Sed tamen ede mihi: si quis non aliger optes
Ardua per scalas tecta subire Iovis,
De Lechicâ an Libycâ breviores fecerit ora?
Virâvis ierit, reddidit ille, pares.
Par via, par labor est hinc illinc summa petentum
Scilicet: at scelerum subleuat ala fabros.

De Circe & Vlysse.

Mutavit socios & non mutavit Vlyssenz,
Improba Phasiacis nata puella jugis.
Nimirum hæc stabunt encomia teste Calypso.
Turba Poëtarum fingere quæ potuit.
Promæ Venus caussam: cum plena suilia vidit.
Dixit amans Circe: sit super iste mihi.

De Liliis.

Ipuer, & cianos vicino collige ruri,
Serta para: nubit villica nostra viro.
Iamq; puer rediens, succrescunt Lilia totis,
Inquit, agris. Cianos non amat ulla Ceres.
Addidit: illorum lectos vidisse maniplos,
Quos sibi condiderit Regis amica manus.

De

De Ajace Telamonio.

Ipsè suis furiis cœlum cum luce perosus
Concidit Alcides, qui Iove natus erat.
Et fugiam Telamone satus lethumq; meaq;
Arma manûs? certè est dignius ense mori.
Causa quovq; est major, dolor hic, cur fata requiram.
Ille dolor fuerat corporis, hic animi est.

Ad Reginam Ser:

O amor atq; decus Lechici memorabile Regni,
O prognata diis & paritura deos:
Sint aliquo mea texta loco, faveasq; Poëta.
Tres aded Vates hæc fovet ipsa manus.
Excedam citius, Tu serius astra revises.
Me penes est generi jam sua Musa Tuo.

De Astronomo.

Ire Aquilas cœlo, deberi Lilia terris,
Esseq; in ætheriis germina nulla plagis
Dixerat Astronomus. Monstrabat signa Puellæ
Et pariter spicam missus in ista puer.
Occidit hoc cœli leges & jura professus.
Actum est, Doctores si jugulant pueri.

De Venere & Nymfis.

Nimfarum sine frunde domos & ruscula sola
Transierat Domini vitaq; luxq; mei.
Venisti miseranda Venus, venêre Napææ:
Occursura aderas Tu quovq; Flora deæ.
Quid faceret vacuum, nec habens sua munera vulgus?
Hauferat agrestes nimbus & horror opes.

D

Esseda

Effeda sunt omnes atq; agmina tanta sequuta;
Quantis succinctam fas erat esse Deam.
Cum Tu Sarmatico stabis sublimior Orbe,
Ornabitq; Tuas sacra Corolla comas,
Larga dabit tellus Tibi quos cumulemus honores:
Servitura Tibi est ambitiosa manus.
Sic Venus & Nimfa, lacrimaq; per ora fluebant.
Quippe dolet rectis, hæc modò posse loqui.

De apiculâ & Cupidine.

Illa per Hyblæos quæ sudat apicula montes,
Grataq; sincero sub Iove mella parat,
Ætherio Superum dignata est tramite votis.
Et quare cœlum non adeatis apes?
Aliger obstabat puer & sine veste Cupido.
Sed dabat, ut vidit robur abesse, preces.

De Mantuâ.

Mantua, quæ docti celebratur rure Maronis,
Et molli excepit pignora tanta sinu,
Dives aquis, nemorum jam se Tibi prætulit umbris,
Silvarum ô Helicon, Tu quoq; Pinde decus.
Heic Driadum chorus est, heic lætæ Najades undis,
Quas fons Permessus Castaliusq; colant.
Iupiter ad Vates cœlo cum respicit alto,
Mantua cum caro prima Marone subit.
Condidit æternum Tuus, inquit, carmen alumnus.
Ipsa vige: hoc partu Te meruisse puta.

De Hercule & Apolline.

Iam deus Alcides & pars non parva deorum
Desuetam pridem cœpit obire liram.

Errantem,

Errantem, potes hoc, dextram rege Phœbe, rogabat.

Hic stomachi plenus quoddam timeret, ait:

Perge rudimentis: quæ cum bene pergere posses.

Vix tenuit lacrimas, addidit: ille dedit.

De Venere.

Miserat ad Lechicum formosa Amathuntia Regem.

Nimfa viam ingressa est: verba loquentis erant:

Rura Tua & colles Triviae vagu turba pererrat:

Quæ patent, campos spicea mater habet.

Pro Thracum tumulis habitat meus æquora Marvors.

In partem Regni magna Cytheris eat.

Verba dea fuerant perferre hæc ipsa iubentis:

Deq; suo addiderat proxima Nimfa dea:

Iagelloniade, si nos acceperis, inquit,

Accipiet meritum Musa Latina decus.

Dixerat hæc ideo, quoniam natalibus oris

Spreta coli Lechico cæperat illa solo.

De Charonte & Ceneo.

Portitor ille Charon, animas qui trajicit Orco,

Viderat ad Stygios venientem Ceneæ fontes.

Ceneu inquit, qualem Te post Tua funera credam?

Ceneis utrū, æquoreo quondam dilecta tyranno:

Et rediit, qui sexus erat, cum nata fuisses?

An vir, & à fato robustum Ceneæ præstas?

Reddidit huic Ceneus: viles descendimus umbræ.

Quodq; vides, nullo premimus Tibi pondere cimbam

Mille animæ. Vt nôris, non sum nec fœmina nec vir.

Constitit ex illo: non ipsum nosse Charontem,

Transmissi fluvium quo sint discrimine manes.

Ad Reginam Serenis.

UT procū à nobis ne nostrī Aloisia curam
Mitte: vident Superi cuncta sub Orbe suo.
Tu Dea, Tu patriis mentem virtutibus exple,
Tu populi ex alto suscipe vota mei.
Si mihi quæ Patria est, illam respexeris urbem,
Credam ego Te Vati multa dedisse Tuo.

In speculum Reginæ.

TV quæ subiecti collustras omnia Regni,
Et placitum celsâ mittis ab arce jubar:
Huc aciem deflechte illam, quâ nostra serenas
Tempora, & in tenui Te speculari vitro.

In idem Electro inclusum.

Seu levi in speculo seu stante reluceat undâ,
Candida plus facies inter electra nitet.

De Reginâ Serenis.

Digna deū mensis, sed adhuc obnoxia terris,
Et notâ Superis ire redire viâ:
Nitere dote Tuâ. Nostri Tibi turba Caystri
Servit: & à famulâ pars opis ulla manu est.
Non aliter tuto pones vestigia cælo,
Quàm si Phœbæ præmodulenter aves.
Hac ego pauca rogo. Si nos Aloisia vultu
Hoc animas, soboles quo solet ista deū;
Si videor, dignusq; Tuo sum nomine Vates,
Sit sospes Domine munere Vatis olor.

Ad Venerem.

Parce Venus Cytheréa, nec hinc Te proripe: da Te
Divā mihi: periit Te sine noster honos.
Ab tanti non est, non sunt mea crimina tanti!
Æquavi Paphiæ Lilia nostrā nivi.
Ingenium mōresq; Tuos sum Diva sequutus.
Lilia Te vidi composuisse rosis.

De Priamo & Pyrrho.

Æ Ace quam moveo, vincam Te iudice litem.
Æaciden tangit mota querella Tuum.
Sacra Neoptolemus fœdavit sanguine nostro.
Ista tamen mitto, nam graviora querar.
Hoc satis immane est: vetuit, cū condere vellem.
Quas faciunt tabulas fata suprema ratas.
Hæc Priamus. Quibus, aut bona quæ leganda putāvit,
Commotā Pyrrhus non sine bile rogat.
Primum Heleno deinde Ænææ Tua regna dedissem,
Inquit. At in Grajūm quid Tibi juris agro est?
Substitit Æacides, & quāvis vana moveret
Laomedontiades, sic gemibundus ait:
Absq; Tuis tabulis totā dominatur in orā,
Quæ sata Trojanis gens memoratur avis.

De cive Romano.

N Aatorum rogo jura trium: da maxime Cæsar.
Orabat supplex civis in urbe Remi.
Vota viri Cæsar rejecit & ista petentem.
Ad Capitolinum vertitur ergo Iovem.
Iunonis quoq; templa subit: Tibi Iuno litabat,
Tuq; dabas justū pondus habere preces.
Caja bona enixa est nono tres mense puellos.
Non sunt Augustæ munera tanta domūs.

In.

In Corinnum.

Girgillum uxoris sollers versare Corinnus,
Hic qui sepe facit non imitanda viris,
Cum mea sub fictis habeant Epigrammata verum,
Et verum lateat cortice tecta fides,
A pueris hæc illa meis, nunc nomina nunc res
Exigit. In versu se putat esse meo.
Solve Corinne metum. Seu tangam probra virorum,
Sive quid in sexu debiliore notem;
Te ratio negat esse virum, natura puellam.
Neuter es: in versu non potes esse meo.

In tumultum Barth. Capuani, Mant.

Condite nos humili Capuanus marmore dixit.
Scilicet & tumulo condita Paulla viri est,
Vel brevioræ tegi potuisset uterq; sepulcro.
Senserunt conjux & Capuanus idem.

In Phœbum.

Phæbe quid immerita gravis es persæpe sorori?
Subjacet opprobriis sæpe Diana Tuis.
Sæpe negas lucem cum plenior illa refulsit:
Et latet hoc ferris dulce nitensq; jubar.
Cætera: quid valuit Superum fuga facta Canopo
In solam? Fugit Te comitante soror.
Tu tamen, in cervos sociis an felibus iret.
Quarebas Smintheu. Salsior illa fuit.
Ad feles abii, frater, venatibus aptos.
Carmina sub ceruo non satis apta dabas.

De Mincio.

Phocidos

Phocidos Aonia jactabant flumina Phœbum.

Et veteres Delphos Castaliumq; nemus.

Mincius Andino cupiebat Vate videri:

Quo Phœbi gaudet præside tota domus.

Proxima Benacum tangebatur gloria patrem.

Sæpe Maro teneras huc puer egit oves.

Iverat in litem Grajis contrarius Auson.

Causa quovq; ad magnum venerat ista Iovem.

Re dubia dixit: viguissent Phocidos undæ,

Sub Scythicâ cultum deposuere manu.

Sunt Tua pro Dêlphis Federice palatia Mincl

Propter aquas, Echûs omnia vincit opus.

Addidit hæc etiam: Celebrantur Apolline Graji,

Cultiq; Ausonio Roma Marone fuit.

Res habet invidiam: ne nato arbitria prosint

Aut noceant, pro me judicet ipsa Themis.

Ad Reginam Sereniss.

Accipe quas optem silvas Aloisia: dicam.

Vestit in his cultam nobile gramen humum.

Arva leves obeunt at non sine munere rivi,

Inq; suos fructûs pinus & alnus eunt.

Plurima luxuriant pictis arbusta racemis,

Purpureumq; trahunt lucida poma merum.

Non genus invisum, sed quæ modulentur ad aures,

Per nemorum læta summa feruntur aves.

Inter Acidalios succrescunt Lilia flores.

Et molles umbras mirtus opaca facit.

Ipse ego fallaces mittam per stagna sagenas:

Aut levis incautam sternet arundo gruem.

Murmura apes facient habitura papaveris usum:

Et nova melligeros adstruet Hybla favos.

Iam.

Iam scio quid nostris possis opponere votis.

Talia, sic dices, vix meus hortus habet.

Da Regina locum. Quicquid superaddat honorem,

Hoc dare non dubia est me penes artis opus.

Ad Patriam.

Macte animo mea Drusis: erat Tibi Iupiter æquus.
Intraret portas cum Dea celsa Tuas.

Iussit abesse nives, deterisit nubila cælo,

Et repulit pleno sidere triste gelu.

Ipsa Tibi dixit Charites imitata serenas:

Hunc vultum in votis semper habebo Tuis.

De Poloniæ & Galliæ Veneribus.

Poscite ab Oenones discrimina vestra marito,
Vos divæ at studiis ambitiosa cohors.

Ideis stet fama jugis, sed qualis ab ævo.

Hanc Senonum colles, hanc habet ora Lechi,

Vidisses pompam, quâ se Varsavia dives

laetat: in hac Venerum maxima turba fuit.

Et quâvis Veneres, quâvis tot Pallades irent;

Quæ Regi juncta est, hæc erat ipsa Venus.

De Illustris. ac Reverendis. Arau- fionis Episcopo.

Ad manes Ditisq; domum, pater alme deorum.
Hic Tua iussa ferat, quem Tibi Maja dedit.

Ille volet, giros imitentur dicta volantis,

Et faciat nullam lingua proterva fidem.

Spernimus has nugas: & habent mea secula morem:

Hæc linguam, hæc solida ponere mentis opes:

Tum gemino munire bono laudabile pectus.

Mercurio opponunt se bona corda Tuo.

*Ad Lechicos Proceres quem mitteret utraq; doctumq;
Hunc mihi monstravit Gallia culta virum.*

*O felix cælo, felix & Arausia tellus!
Istâ dote Tuus Numina Præsul adit.*

De carminibus suis.

N*il metuo Vobis, mea carmina. Vos gravis imber
Perdat, & iratum dicar habere Iovem.*

*Vos maris unda vehat, Vos improbus hauriat ignis:
Saviat, in caussas est furor iste meas.*

*Aura Iovi sistet nostros mansueta libellos,
Conciog; hos Superum cum patre tota leger.*

*Ad vitreas rauco descendant flumine Nymphas:
Nos amat, & vidit munera nostra Thetis.*

*Deniq; & ad Stygium veniant mea scripta tyrannum:
In Stygio, ut perhibent, est Iove laudis amor.*

*Vidimus assertos populorum voce Poëtas.
Osores illi non habuere deos.*

Ad Reginam Sereniss.

T*ene puer, Regina potens, Casimirus adibat,
Ille Tui genus & proxima cura viri?*

*Et quæ casaries per lactea colla fluebat,
Ipsa nitens flavi qualis arena Tagi,*

*Hæc Te detinuit? potuisti fundere limfas
His manibus, quales laverat antè Venus?*

*Ab nimium ne crede oculis, ne crede puello.
Hinc procul à Paphiis venerat ille jugis.*

*Nimfarum materna cohors ultroq; Napææ
Huic aderant togulas compositura manus.*

*Quem puerum amplexa es? cui fixeris oscula, Tecum
Exige. Ne dubites, ipse Cupido fuit.*

Nota Tibi totis sparsisti incendia fibris:
Nec, qui alium potuit fingere, fictus erat.
Iupiter invenit, promovit Cypria technam,
Ut Tecum ad Regem prævius iret Amor.

De succino albo.

Mittite Vos Vates Phœbæe succina lucis.
Nugarum misero de Phaëthonte sat est.
Vnde novo candor, sic Baltica Doris, Electro?
Vnde decus glebæ, quam mea Prusis habet?
Cum Phœbo tacuere suo gens garrula Vatum:
Nil opis in lauru præsidium fuit.
Ipsa mihi dixit, cum litora nuper obirem:
Non adeo casti Cynthia moris amat.
Quas malè tractaret, sumebat amator habenas.
His Venus excussum candida merisit aquis.
Nunc guttam Electri, quam populus alba profudit,
Et caussam interitus Endymionis habet.

De Regina Ser.

Iudicio Paridis notas nemorumq; potentem,
Et quas non habuit Regia mensa deas?
Omnis arundineo constabat machina succo,
Qualis ab Eoo dulcior Orbe venit.
Atq; erat, hoc numero, qui diceret, una dearum;
Et perrecturus, maxima, dixit, abest.
Omnibus his præstas Lechici celsissima Regni!
Dicentem admonuit, qui propè sedit Eqves.
Talia conveniunt Regali Numina mensæ:
Ad thalamos Domini pertinet ista mei.

De Gallo.

Gallicus

G Allicus in cistis calo superaverat Arctos.
Irrisa est populo res ut inepta meo.
Gallus ad hæc, non sum tam vasto corpore, dixit,
Ut credam geminis plus opus esse rotis.
Rupibus & saxis sua sunt sarraca vebendis.
Sit satis ex usu vivere posse rei.
Assensere viri, quos sæpe domestica Iuno
Immodicos operum cogit adire fabros.

De puellâ elegantioris formæ.

U Na erat è Nimsis, quas secum Aloisia longis
Duxerat à patrio limite missa viis.
Hæc poterat reliquas inter pulcherrima dici:
Si non, quam veneror, pulchrior illa foret.
Quærebat, Paridem si terra Lechitis haberet.
Quid quæris virgo? Non Paris unus erit.
Iunonem præsta, faciemq; colentis olivas:
Ut tentes animos, non potes esse Venus.

De Nuptiis Regiis.

I Dibus Æmathii lustrabam rura Gradi-vi,
Quà virides alni fonsq; perennis erant.
Ad sua Vere novo rediens primordia mundus
Ridenti volucrum solverat ora Iovi.
Condebat se quinta dies, cum doctus Iopas
Augustâ dulces fecerat urbe modos.
Tunc thalamos meditatus Amor, sceptriq; timendæ
Robore venerunt ad sua sacra manus.
Talibus intentum deus interpellat ab alto:
Quod Tu debueras pangere carmen, ubi est?
Mitte Tuas curas: pro Te cecinere volucres,
Cætera vidisses, plena decoris erant.

Ad Serenissimos conjuges.

Si quid in Illyricâ Cadmæi seminis orâ,
 Transseat ad Gallos. Gallia lacte madet.
Inde fuit nomem, sive hoc Galatæa dedisti.
 Serpula gens Cadmi munera lactis amat.
Ista nihil movere meos figmenta Lechitas,
 Sceptrigero Venerem jungere Lacteolam.
Non est heic ratio fictos induta colores:
 Heic Lac heic Aquila est: albus utriq³ color.
Præpetibus nix illa fuit, cum Sarmata vidit,
 Notaq³ priscorum misit in arma ducum.
Si quid & a Lacte est: hoc Gallia pingvis abundet:
 Non habet armentis Gracchica terra parem.
Omnia sint nivei Vos exornantia moris,
 Semper & , ô Reges, vestra sit alba dies.

Ad Reginam Ser.

Hic redeo. A justis Tua sunt connubia fati.
 Isti per glacies, ac via longa fuit.
Pertulit in Scythiâ nil non immane maritus.
 Æquavit caro Te labor iste viro.
Cætera feminei vix sunt præconia sexus:
 Non hoc Alcidi Deianira fuit.
Deme etiam Herculeæ sua monstra & præmia clava:
 Pertinet ad Grajam Styx superata fidem.
Alcides, Ludovica, Tuis complexibus hæret
 Verior: ad Scythicos protulit arma polos.

De Coronatione Sereniss. Reginæ.

Ibit ab innumeris Procerum stipata catervis,
 Et facilem cunctis se Ludovica dabit.

Quoq³

*Quodq; magis summo decori succedet ad aras,
Se matrem populis noverit esse datam.
Iam toti pectus mansuetum innotuit Orbi.
Mutari ritu talia corda negant.*

Ad Reginam Ser.

T*E cultura manus descendet rure Canopi,
Eoasq; Tibi Diva recludet opes.
Molliaq; ex Arabum venient Opobalsama terris:
Cuncta, quibus Regum sceptrata coluntur, erunt.
Vtere Diva potens: hæc Te virtutibus altis,
Vt gratam Superis, promeruisse vides.*

Ad Eamdem.

P*urpura non alia est cunctis augustior oris,
Quam quâ Rex Lechicâ fulget in arce meus.
Hoc Dea dico Tibi tamti sors proxima Regni:
Concilium referunt atria tota Iovis.
Celsior ipse sedet: decus altum, & purpura circum,
Voxq; potens plures monstrat adesse deos.*

In Caribionem.

I*nter Apollineos parasitus Carbio lixas
Maximus optabat castra subire dei.
Assiduas dabat ille preces: Tu Phœbe negasti.
Dumq; preces iterat, verba negantis erant:
Quid sibi de levibus mando promittat ofellis?
Non venit ad sansas nausea tamta meas.*

Ad Drusum lacum.

D*rusæ ferax pecudum per stagna profunda meantum,
Garrula cui medios cingit arundo sinus:*

Te

Te totum obducat, velut hoc oracula firmant,
Iuncus: & exhausto sibilet illa lacu.
Si quid ego in ripâ mediâ, in gurgite lusi:
Hoc illi aeterno murmure carmen erit.

De Crispo.

Crispus habet centum fodientes arva colonos.
Omnes langvor habet: nil peperere sibi.
Serviles operas mutare recentibus optat:
Et liquet hæc ipsi vota tulisse Iovi.
Iupiter hæc dixit: sunt tot mihi corpora pluris.
Crispe, fac agrotam vivere posse manum.

De conchâ & Atlante.

Fecerat Atlanti convicia litoris hospes,
Quæ caram portat tergore concha domum:
Esse illum cæli gerulum, se propria ferre.
Obtriturus eam pondus agebat Atlas.
Iupiter obstabat: nam quid moliris? in unâ
Non possunt conchâ tot residere dii.

Ad Meroën puellam.

Quicquid habes formæ, paucis abolebitur annis.
Mancupio non est, quod Cytheræa dedit.
Nonne vides Meroë? Denâ Te messe reliquit
Cælia. Quid dicam? Nunc ea mæret anus.
Est sponsis Cytheræa suæ. Cum mollior ætas
Succedit castris, grex veteranus abit.

De Amphione.

Amphion patrias Dirceus condidit arces.
Si qua fides, Liricæ condidit artis opes.

Questæ

Questa Iovi sunt hoc collegia tota fabrorum.

Causidico roseæ Cypridos usa viro.

Iusta petebantur Superos habitura faventes.

Addidit hoc punctis mota furore Venus:

Mentibus ætheriis condant sua carmina Vates:

Ædificet terris sordida turba fabrum.

Liberalitas Megerifiana.

Solve Poëta: fores Libraria natio pultat.

Exscripsit nitidis carmina missa tipis.

Stridula sudârunt cudendis præla libellis.

Sudârunt operæ: quod meruere, rogant.

Da numos, dixi, numeros qui Phœbe dedisti.

Quid jacet in foribus turba molesta meis?

Vera loquor: reliqui mea condite dicta Poëtæ.

Nec mea sunt, Clarii vox erat ista dei:

Silva mihi vetus est: summas, ait, excute frundes.

Respice, in his fixi Consul's arma novi.

Respexi, inq, istos dixit mihi missus honores:

Ad mea pulsantum rejice tecta manus.

De Meroë puellâ.

Subter fraxineas Meroë concesserat umbras,

Hei nimium formæ fisa puella suæ.

Sola sibi placidos ingrata per ocia somnos

Accipit: & jacuit sub Iove nostra Venus.

Quid Tibi fraxinei præstabant tegmina rami?

Sic ego, cum paribus reddita, deinde mihi est.

Hac ait angvigenum vitasse sub arbore morsus.

Serpentem, opposui, non fugit alma Venus.

At Meroë: si læsa manu Diomedis, ab angui

Non metuat? Cereris filia sic perit.


Ad


Ad Lunam.


Cynthia dum saltus atrâ sub nocte peverro,
Lubricaq³ incerto tramite tota via est:
Dirige iter nostrum, radiisq³ micantibus orbem.
Profer, & humentes fulgida pone Notos.
Hoc quoq³ Diva Tibi veniens ad Regna mariti
Dixerat: hoc Vati da quoq³ Luna dea.
Protenus in bijugis processit Cynthia mulis,
Ac nemorum callis pervius omnis erat.
Et Regum & cœli consensum discite, Vates.
A vestrâ veniunt proxima vota domo.


Ad Reginam Serenis.


Nitimur ingenio: quod nulla cœgit egestas
Indecores nostris rebus inire modos.
Debemur Patriæ. Satis est hæc gloria nobis,
Et Patriæ & famæ consuluisse suæ.
Nam neq³ vos extra tenues mihi victus olivas.
Nec multum virtus integra poscit opis.
Sæpe illi edixi, quæ me sibi junxit amantem:
Musa cave sordes, & cane digna legi.
Cum res composita est, & transit ad otia vespæ,
Alea securo tunc sonat ista mihi.
Aut ego possideam, quas tollat inertia dotes?
Dotibus ad Reges his mihi facta via est.
Sed moriar, Regina potens: & amica superstes
Gens erit, ad caussas non abitura meas.
Præmia si dederis, seu vectigalia fundi
Vilius; amplectar dona benigna pater.
Succedet soboles, nostrasq³ sequuta Camenas
Munificum docto carmine dicet opus.















Biblioteka Jagiellońska

514700195523

